

Vir prudens ne- mo nisi literatus.

Inuida plebs quid agis? manibus conuellit Olim-
qui vim doctrinæ debilitare studet, (pum,
Si sapere est aliquid, nec virtus nomen inane est,
is, puto, Pierides quem docuere, sapit.
Nam sine doctrina, neq; res priuata, nec ordo
publicus a damno liber abesse potest.
Forſitan hæc aliqui tunicati lucra popelli
ingenij credunt experientis opus:
At mihi, ſi viles quiſquam benè calleat artes,
non erit is ſapiens, fortè dolosus erit.
Crede mihi, nitido vehitur ſapientia curru,
hinc atq; hinc Charites Pieridesq; tegunt:
Ante ſalutandæ ſunt, proxima turba, ſorores,
quam tibi regales porrigat illa manus.
Nec, quia tractandis valet experientia rebus,
nullus in ingenuis artibus vſus erit.
Quod facit hæc, ſine mente facit, crudelis, & excors,
virtutemq; ipſa commoditate probat.
Quiſquis at ingenuas coluit ſtudioſius artes,
nec temerè is quicquam, nec niſi mite, facit:
Vtq; ſit experiens è multo callidus vſu,
doctrina ſaperet plus tamen ille noua.
Hæc etenim docet abſtruſas cognoscere cauſas,
& ſolidè monſtrat cognitionis iter.

*Ergo aliquis citius videat, ſine luce, colores,
quàm, ſine doctrina, quiſ ſapuiſſe queat.*

E

Anima ſeparata

*à corpore omnes retinet faculta-
tes, & ſenſus, & intellectus.*

Omnia, terrena quæ ſunt è mole, vetuſtas
obruit, & tandem fata ſuprema premunt:
Mens, quia diuina eſt, poſt funera ſola ſuperſtes
viuit, & in ſuperas mittitur alma domos.
Nec quia corpus abeſt, minor eſt ſine corpore ſenſus,
aut promit vires ſegnius illa ſuas.
Quin potius iam tum, quaſi vinclis libera ruptis
euolat, atque ſuum plenius implet opus.
Ante quidem vero potuit dignoſcere falſum:
Corpus at haud parui ponderis inſtar erat.
Libera nunc, nullaq; oneris grauitate reſſeſſa,
officium melius nouit obire ſuum.
Adde quod hanc animam, niſi ſit mutilata, necelle eſt
poſſe nouas ſenſus ſuppeditare vices.
Mens etenim videt, & guſtat, mens tangit, & audit,
Organa corporeæ cætera molis habet.
Quod ſi ſenſus abeſt, aberunt quoq; gaudia mentis,
Nec ſpes vlla animi, nec metus eſſe poſteſt.
Vtq; haud inferni metuas penetralia Ditis,
Et ſint horribiles, fabula vana, lacus:
Terror erit poſt fata tamen, ſi noxia mens eſt,
Iniicietq; metum vindicis ira dei.
Qui vel nullus erit, prauis iam funere functis,
Integer aut mēti, tum quoq; ſenſus adeſt.

*Si mens ergo manet, nec mors ſimul omnia
Certè erit, è nulla parte, caduca, ſui. (tollit,*

H